


# Maligatsautitaumajut InoKatigengituit suliaKaKatigemmata



## Pigiasiutik


SuliaKakKujaulikKugut asiagut atjiungittunik siagunitanit. PikKujauKattasimanninginnit pilukatauKattasimanninginnilu Allait, Inuit, Métet inungit, ikajuttigennikut Kaujisagumavugut nutâmik pikatausiKagiamik taimâtsainaungituk pittailigiamillonet tammautausimajutut siagutsuami. SuliaKannik saputsigiamik, âkKiumititsigiamik, asiuttailititsigiamillu omajunik nunanillu sunaKutiKasimangitut NunaKakKâsimajuit Kaujimausinginnik, nottisiKattasimajut NunaKakKâsimajunik angiggaminit, nunaminillu, siKumitsisimannigâtlutik maligatsanik piusillagiginnik inosillagiginnilu pikatatillugit. Iitagijavut taimâlukak pijauKattasimanningit, angiKatigijavullu mâna tautsijaujutsaulittuk.

Nigiuvugut makua maligatsait tungavitsaKattisigunnangiut nutânik suliaKausitsanik isumagillugit âkKegiannik, piusivalliatitsinik ikajuttigennimillu saputsigasuanikut, âkKiumititsigasuanikut, asiuttailititsigasuanikullu omajunik nunanillu. Pigumaset maligatsatigut ukuninga nigiuugutiKajut:

- sakKititsivallianimmik angiKatigennimik sulijutsanimmilu, tungaviutsiatillugit suliaKaKatigennikut NunaKakKâsimangituit NunaKakKâsimajuillu Kaujimausingit;
- asiuttailititsiutigitsialugit songunitsatigut pigumausingit ilitagillugit ikKananingit suliaKaKatigennikut tukisiutiKatigetsialutik, asinginnilu pigalausinik 'katiutitsisialugit' Kaujimausingit;
- pikKujitsialutik NunaKakKâsimajunik Kaujimausingillu atutsialugit kamanninginni nunannik, nunaminillu, asiuttailititsinimmilu suliaKaninginni.

Tamakkua maligatsautitaumajut sakKititaumajut isumatsasiuKatigetsianikkut NunaKakKâsimajuit Kaujimausingitigut katimaKatiKammata kanatalimâmilu Boreal-inik tuttuligijinginnik suliaKatingitigut Kanuk suliaKaKatigetsiagajanningit angiKatigetsialutik akungani NunaKakKâsimajuit NunaKakKâsimangituillu iluggusingitigut, silatsialimâmi isumagijangitigut, Kaujimausingitigullu âkKiumititsigasiannimi. Ilautitsijut Kaujisasimajaminik Kimigguninginni maligatsaliangusimajunik suliaKaKatiKatlutillu asinginnik iluggusilinnik. SakKititsisimajut NunaKakKâsimajunik PikKujausittâgumatlutik Tuttuligigiamik, âkKigiattausimatluni NunaKakKâsimajuit katimautimmata Avani Amiarikami Tuttulittâtlutik 2018-ami.

Tamakkua maligatsaliangujut âk isitlutik atugatsanik piulimatsigiagutunik suliaKannimi akungani NunaKakKâsimajuit NunaKakKâsimangitunillu ikajuttigennikut. Atugatsaliangujuk maligatsausiagajattuk ikajugasuanimik tâkkuninga maligatsaliangujunik.



National Boreal Caribou  
Knowledge Consortium

# Maligatsaliangusimajut

## Ilitatsigiutik pikatausinik tuttuliginimi

Ilitagillugu nittuigutigillugillu pimmagiutauninga tuttuk NunaKakKâsimajuit kinauningit, iluggusingit, niKitsauKattaningit Kâttailigutigitugitlugullu. NunaKakKâsimajut pikatausiKajut nunannik kamatsiagiaKanningillu tuttuk mánnamutuinnaungituk: tuttuk pivitsaKattisisimajut akunitsuani pivitsaKattisilâttulu sivunitsatinnik.

## Sulijutsagillugit nunanik angiKatigegutausimajut, ilitagillugillu namminik kavamaKajuit NunaKakKâsimajuit nunanginni

Ilitagillugit kamagillugillu nunaKatiget, kavamaligijet, namminik kavamalet NunaKakKâsimajuit inungit, Kaujimatsialutik tamakkua songunitsautitaugialet NunaKakKâsimajuit aulatsiutingitugit ilautitaullutillu nunanik suliangijuni.

## AulatsiKattiget sulijuginnik

PitsiaKattalutik sulijutsanimmik, taimâk kisiani suliaKaKatigetsiagunnamata ikajuttigennikut. SuliaKaKatigennik piunitsaugunnatuk sulijutsanikkut ikajuttigetlutik suliatsaliginimi pikatatsianikkut ilonnâtigut, ilautillugit nunalet atjigettisiagasuallugit uKâlautinnikut.

## SuliaKaKatigetsianik uKâlaKatigesianillu

kajusiutiKatigellutik sulijutsanikkut NunaKakKâsimajuit atjigettitaullutik kamaninginni pivitsanik. Ikajuttigetsialutik aulatsinimmi silatittinik, iluggusittinik uppigusunittillu atusialutik Kaujisannimi/suliaKannimilu. SuliaKaKatigetsianik pigiasijaugunnatuk âkKisitsialutik suliatsanik pijagettaunimmut, piKatigetsialutik pijagettaugaluappat suliatsak. PitsiaKatigennik atunniKajuk ikajuttigetsianimmi.

## Takutsaunik kamatsianillu

Pigiasinnimit KaujitsiKattalutik pigumajaminik, pigasuannimik, Kaujitsinimilu ilonnainut. ÂkKesimatsiaKattalutik kinakkoningit, suliagigialinginnilu ikajuttiget kamatsiagialet kajusiutigijanginnik namminillu kajusiutijaminik pigumajanginnilu.

## UKâlaKatiKagunnamik

PivitsaKattisigialet uKâlaKatigetsainannimik ilonnâgut, ilautillugit ilonnatik nunaKatiget, tukisiangitunik tukisititsiallutik. SuliaKaKatiKatsialutik Kaujitsisainallutik nunaKatigennik suliaKaKataungitunik.

## TautseKatigennik pitâKatigennilu

ÂkKisigialet suliaKautitsanik ilonnainut ilingatillugit, pitâKatigetsialutik. Tautsekatannimik pigumatsialutik Kaujimausiminik KaujitsisiaKattalutik atjigettisiagasuamut, ikajutsialutik ilisaKatigegasuamut. Sulijutsalutik nunalet pitaKatsiagunnagittut atugatsaKatsiangimut pigunautiKatsiagatillu, atjigettisiallugit ilonnatik ikajuttigejut.

## PigumausiKatigennik

Pigiasinnimi suliatsanik, ilonnatik suliaKaKatigejut, ilautillugit nunaKatiget, UKaKatigetsiajutsat angiKatigetsialutillu tugâgutaugumajunik, illigijaujunik pikatausinilu. Ilitatsisiallutik nunaKatiget pigumaluattanginnik tamakkualu atunniKatsiatitaullutik suliaKannimi.

## Malitsiagialet NunaKakKâsimajuit PiKanningit, Aulatsiningit, Pitâgunnaningit NunaKakKâsimajuit allasimajuttikut

kamatsiagialet NunaKakKâsimajuit nunani piKatsianingit, aulatsiningit, pitâgunnaningit piKagunnaningillu Kaujimausimmitut (iluggusittigullu) Kaujigatsanik allataumajunik pitaKatigenningit sunatuinnanik Kaujigatsanik Kaujisattaumajunik ikajusimannimmut, Kimigguningit Kaujitsiningillonet.

## Sulijutsanik tukisimatsianik NunaKakKâsimajuit Kaujimausinginnik, iluggusinginnik tukisimausinginnilu

Songunitsaugasuginnik atjigettisingituk NunaKakKâsimajunik NunaKakKâsimangitunik, tukisimausittut atunniKasot Kanuk uKâlaKatigennikut, Kaujisannikut ikajuttigennikullu suliaKannimi. Ilitatsigialet NunaKakKâsimajuit Kaujimausingit unikkausingillu atjigettitaugialet pânimiutut Kaujimausingit ilonnailu pigalausimminik namminiKajut pitâgunnagiamut, kajusiutitsigiamut, ikajuttigennikullu Kaujimausinik.